

Nunatsinni ilaqtariinnut atugassarititaasut pitsanngorsarnissaat siunertaralugu Naalakkersuisut iliuusissatut pilersaarummik suliaqaqqullugit peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut UKA 2027 saqqummiunneqassaaq.

(Inatsisartunut ilaasortaq, Paarma Lund Kreuzmann, Inuit Ataqatigiit)

Akissuteqaat

(Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerpeqarnera

Ilaqtariinnermut Peqqissutsimullu Ataatsimiititaliap siunnersuummik suliaqarsimaneranut kiisalu oqaaseqaateqarsimaneranut Naalakkersuisut qutsavigaat.

Paasineqarpoq, ataatsimiititaliami amerlanerussuteqartut siunnersuutip akuerineqarnissaa inassutigigaat, aamma ilaqtariinnut meeqqanullu atugassarititaasut pitsanngorsarneqarnissaat politikikkut annertuumik tapersorsorneqarpoq.

Peqatigisaanillu Naalakkersuisut maluginiarpaat, suliassaqarfimmi suliniutaareersut ataatsimiinnermilu matumani immikkoortut pingaarutillit sularineqareersimasut pillugit ataatsimiititaliaq arlalinnik pingaarutilinnik isumaliutersuuteqartoq. Tamatuma saniatigut oqaatigineqassaaq, ilaqtariit atugassarititaannik pitsanngorsaaniarnermik suliaqarnermi, oqartussaasut, naalakkersuisoqarfiit suliatigullu suliassaqarfiit assigiinngitsut akornanni sulineq nanginneqartariaqartoq. Oqaaseqaatit taakkua iliuusissatut pilersaarut pillugu suleriaqqinnermi suli attuumassuteqarput.

Naalakkersuisut taama naatsumik oqaaseqarlutik aalajangiiffigisassatut siunnersuutip aappassaaneerpeqarnissaanut suleriaqqinnissamullu qilanaarput.